

四庫全書

史部

欽定四庫全書

欽定大清一統志卷三百十一

瀘州

在四川省治南七百五十里東西距一百十里南北距一百六十里東至合江縣界六十里西

至江安縣界五十里南至納谿縣界三十里北至重慶府榮昌縣界一百三十里東南至貴州遵義府仁懷縣界一百里西南至敘州府南溪縣界五十里東北至合江縣界六十里西北至敘州府隆昌縣界一百五里自州治至

京師六千四百一十里

分野天文井鬼分野鷄首之次

建置沿革禹貢梁州之域春秋時巴國地漢置江陽

縣屬犍為郡後漢建安十八年置江陽郡晉因之

宋曰東江陽郡

時改置江陽於武陽故加東字

齊因之梁於郡置

瀘州

李吉甫元和郡縣志作梁大通初置樂史太平寰宇記作大同中置祝穆方輿勝覽李壇

西山堂記云郡名為瀘者蓋始因梁大同中嘗徙治馬湖江口馬湖即瀘水下流因遠取瀘水為名

隋開皇初郡廢仁壽中置總管府大業初府廢改

曰瀘州郡又改郡治江陽縣曰瀘州唐武德元年

復曰瀘州三年置總管府尋曰都督府

督襄康十州後增至

十四天寶初曰瀘川郡乾元初復曰瀘州屬劍南

道五代屬蜀宋亦曰瀘州瀘川郡宣和元年置瀘

川軍節度屬潼川路

領羈縻州十八乾道六年移潼川路安撫使於此

景

定二年為元所取尋收復改曰江安州屬潼川路

元仍曰瀘州至元二十年以州治瀘川縣人八二

十二年割屬重慶路明洪武初直隸四川布政

本朝因之屬四川省領縣三

納谿縣

在州西南四十里東西距七十里南北距一百六十里東至貴州遵義府仁懷縣界

五十里西至江安縣界二十里南至敘永縣界  
縣界一百五十里北至本州界十里東南至仁懷

縣界五十里西南至江安縣界三十里東北至本  
州界十里西北至本州界十里漢江陽縣地隋為  
瀘州江南二縣地宋皇祐二年置納谿若屬江安  
縣紹定五年升為縣屬瀘州元明俱屬瀘州本  
朝因合江縣在州東一百二十里東西距一百二  
十里南北距八十里東至重慶府江  
津縣界六十里西至本州界六十里南至貴州遵  
義府仁懷縣界三十里北至重慶府永川縣界五  
十里東南至重慶府綦江縣界一百里西南至敘  
永廳永寧縣界一百二十里東北至江津縣界五  
十里西北至重慶府榮昌縣界一百里泰巴郡地  
漢置符縣屬犍為郡後漢改曰符節建安中分屬  
江陽郡晉仍曰符縣永嘉後廢蕭齊置安樂縣屬  
東江陽郡梁改置安樂戍周保定四年始改置合  
江縣屬瀘州隋屬瀘州郡唐屬瀘州宋大觀初江  
分置安溪縣旋廢元明仍屬瀘州本朝因之江

安縣

在州西南一百十里東至納谿縣界四十里西至敘

州府南谿縣界四十里南至敘州府興文縣界一

百里北至敘州府富順縣界四十里東南至敘永

廳永寧縣界一百二十里西南至敘州府長寧縣

界三十里東北至本州界六十里西北至南溪縣

界五十里漢江陽縣地後漢置漢安縣屬犍為郡

晉改屬江陽郡劉宋為東江陽郡治齊因之梁屬

瀘州隋開皇十八年改曰江安屬瀘川郡唐屬瀘

州宋乾道五年省綿水縣入焉元明仍屬瀘州

本朝

因之

形勢東接巴郡西接牂牁南接犍為北接廣漢

常據  
華陽

國志

枕帶雙流據江雒會

郫道元  
水經注

肘江負山

宋劉正  
字李氏

記 國 控制邊鄙 志 舊

風俗人多樸質士敦禮讓 志 通 地少桑麻刀耕火種夷

獠則巢居巖谷性獷戾而好淫祀 志 寒 宇 氣候偏陽

夏秋炎燠冬無苦寒 宋 幻 公 權 濫 川 縣 解 記

城 池 瀘 州 城 周 六 里 有 奇 門 六 宋 政 和 中 始 築 土 城 元 末 兵 燬 明 洪 武 初 因 舊 址 石 築 崇 禎

未 毀 于 獻 賊 本 朝 康 熙 四 十 納 谿 縣 城 周 一 里 有 奇 門 七 年 修 乾 隆 二 十 二 年 重 修

四 宋 結 興 初 始 築 土 城 明 永 樂 中 甃 以 石 本 朝 康 熙 五 十 一 年 重 修 乾 隆 十 年 增 建 西 門 城 樓

合 江 縣 城 周 一 里 有 奇 門 四 明 天 順 中 土 築 成 化 中 甃 石 本 朝 康 熙 十 三 年 重 修 乾 隆

二十六  
年重修  
江安縣城  
周六里門六外環以濠明成化  
初因舊址石築  
本朝康熙熙雍正

正間先後修葺乾隆  
二十五年重修

### 學校瀘洲學

在州治北舊在州南  
本朝康熙二十  
三年遷建乾隆二十一年重修入學額

數十  
五名  
納谿縣學  
在縣治之右元至正中建明未燬  
于兵本朝康熙二十四年改建

來鶴館舊址三十八年復遷建故學  
基乾隆十五年重修入學額數八名  
合江縣學  
在

治北宋元祐中建明洪武九年重建  
本朝康熙  
熙六年重修乾隆十二年改建入學額數八名  
江

### 安縣學

在縣治南宋大觀中建明洪武間改建于  
於治西本朝康熙五年復改建縣城東

門三十三年仍改建于治南之故  
址雍正六年重修入學額數八名  
九姓司學  
在  
治西



南明洪武中建 本朝康熙四十四年  
重建乾隆九年增修入學額數八名 鶴山書院

在州學左側宋開禧中知州魏了翁建 本朝雍

正十年署知州馬世藻改建今所乾隆十五年重

修又鳳儀書院在合江縣乾隆十九年知縣江世

琳建二十二年知縣葉體仁重修和山書院在九

姓司治北乾隆十九年長官任放烈建又州北五

峰山下有五峰書院宋慶元間知州楊汝明建後

廢為荆江安縣東七十里有龍門書院

宋乾道中鄉人呂伯祐建今廢謹附記

### 戶口

原額人丁五千四百十七又滋生人丁四萬四  
千四百五十六又九姓司人丁四千八百六十

六

### 田賦

上中下田地一萬五千一百三十三頃一十八  
畝六分三釐卽徵丁條糧銀二萬四千一百五

十兩一錢八分五釐零九姓司田地二千六百六十三頃八十二畝八分八釐額做丁條糧銀五千八百二十九兩七

錢九分三釐零

### 山川歸子山

在州東三里相傳孝子尹伯奇溺處

### 四峰山

在州東二十里與豸角山

對峙又北有賽峰山一峰孤挺與四峰相望

### 神臂山

在州東八十里亦曰神臂崖北臨江

渚險固可憑宋淳熙中嘗遷州治於此

### 羅東山

在州東六十里舊志峰巒森列周太師尹

吉甫故宅及其塋兆在焉

### 仙頂山

在州東六十里相傳上有仙蹟故名

### 寶山

在州西方

輿勝覽在城南初名堡子山為巡檢廨袁說友改今名下瞰城郭萬瓦鱗集為縣之勝其址有木龍

巖舊志山在州西一里即州城後之枕山也

### 方山

在州西華陽國志江陽縣有方山蘭祠案

宇記在江安縣東二十里山形八角唐天寶六年  
教改為迴峰山方輿勝覽山距州三十五里又名

迴峰山其山八面瞰江舊志山在州西四十里有  
九十九峰頂有巖池周一里許北去資江十餘里

瑞鹿山

在州南五里明統志五代周時道士  
尹希巖居此有白鹿往來山中因名  
牙角

山

在州南十里越出衆山與四  
峰山相望上有吕仙亭遺跡  
三華山 在州北二  
十里山有

三  
峰 玉蟾山

在州北  
六十里  
五峰山 在州北五峰  
並峙故名  
鉢盂山 在  
州

二里形似  
鉢盂故名 馬鞍山

在州北三  
里形似  
馬鞍故名  
卧龍山 在  
州北

形如伏  
龍故名 五仙山 在州北六十里名為五仙洞舊傳  
有五仙人奕棋於此石盃尚存

金紫山

在州東北  
十里高嶺  
高奎山 在州東北二十里山  
勢崔巍與州治相對  
雲

錦山

在州東北六十里土人元旦日於此迎神祈歲

腰營山

在州西南舊瀘州衛北二

十里明初命將南征嘗駐師於此

南壽山

在州西南三十五里既高且秀舊志在州東南

十里本名博望山宋熙寧中平晏州叛夷守臣繪圖以進因改今名

中和山

在州西南九姓

司西一里秀峰特出又古洞巖在司南二十里

龍貫山

在州西北六十里接富順縣界山勢

高聳茂林蔚蔚

樓子山

在納谿縣東一里層峰疊嶂儼若樓閣

掇旗山

在納谿縣

東四里相傳諸葛亮樹旗於此以誓蠻人

五頂山

在納谿縣東五里五峰錯峙故名

冠

山

在納谿縣西峰巒聳峙上有玉皇觀燃燈照夜光如天半寒星

亂石山

在納谿縣北十

里相傳昔有道

舞鳳山

在納谿縣西南十五里山勢起伏橫開如鳳舞然

牛心山

在納谿縣西南三十里

鳳儀山

在合江縣城內

安樂山

在合江縣

西寰宇記山在縣東五里八十步羣峰峭拔有瀑布千尺飛流唐天寶六年勅改為合江山黃庭堅

記安樂山真人劉善慶飛昇之宅也方輿勝覽在縣西五里三峰奇秀有溪及延貞觀有石櫃為仙

人藏經之所歧而左有爛柯跡後有仙魚影隱在石壁中歧而右歷木栴臺仙人屋十二壘至剪

刀峽猶山有八洞通南巖有石曰許由歌又有芙蓉城滴水崖白猿洞指勝舊志俗亦名華架山

月臺山

在合江縣南五里孤峰特立小

榕山

在合江縣

南五里即宋嘉熙中華城處上有芙蓉池俗名容子山

丁山

在合江縣南二十里一名文明

龍掛山

在合江縣西南五十里古純州地巖壁率祥林壑清幽每見龍掛其上雲日映

耀鱗爪

### 鳳凰山

在江安縣東五里似鳳翔故名

### 胡佯山

在江安縣東六里相

傳唐胡佯道

### 挂榜山

在江安縣東六里許屹立江濱延亘數十里縣有登科者

人修真於此

### 陽山

在江安縣南四里孤高突起為南境之望

### 照山

在江安縣南五

里方輿勝覽饒子山又名照山一峰中峙兩峰旁

翼二溪交流峰巒葱蒨旁有二潭為龍所居早禱

輒應山有眠雲石蘘湖橋玳瑁巖磨鉢溪為邑勝遊之地

### 連天山

在江安縣南七十里回旋

曲折高聳連

### 小龜山

在江安縣南一百里明統志舊嘗即其地置樂共城方輿

天綿水出此

築時取石有小龜金紋俗因呼之為小龜山

### 翠屏山

在江安縣南四里鏡山之左松栢鬱

然翠屏

### 筆架山

在江安縣南五里形如筆架故名

### 安遠山

在江安縣南四

十里舊志聳然特出梵剎數  
重相傳諸葛亮征蠻駐此

**北照山**

在江安縣北  
一里大江岸

有偶住

**雙松山**

在江安縣北八里因二松得名上  
有玉皇觀樓閣巍峩遠眺百里州

人韓飛霞  
修真於此

**珍珠山**

在江安縣北十里產細  
小紅石狀如珠故名

**九龍山**

在江安縣北十里  
九崗環聚故名

**道祝山**

在江安縣  
北四十里

**四面山**

在江  
安縣

北四十里山  
形四面故名

**爐鼎山**

在江安縣北四十  
里峰巒似鼎故名

**鵲兒山**

在江

安縣北四十里州志山頂有盤石方圓數尋相傳  
有神雀時見於石形似鳩羽毛金碧鳴緩則晴急

則**石峰山**

在縣北六十里  
里聲秀可愛

**乳巖**

在州西一里有泉  
自崖中流出黃庭

聖名曰**使君巖**

在州南五里明統志宋  
州守王獻可遊賞之地

**先氏巖**

在合

江縣北六十里唐神童注  
先騎書處元趙世延有記  
**龍女洞** 在州城東南二十五里方輿勝

覽高崖之半有二  
穴俗傳為龍女洞  
**思峨洞** 在州西南二百里明統  
志初入稍隘已乃洪廣

石髓凝結千態萬狀前望宛若堂  
亭舊志相傳為故思峨州地名  
**仙洞** 在州西南  
舊蘆州衙

治南半里深一里  
中有池水不竭  
**大江** 自欽州府南溪流入經江  
安納谿二縣北東北運州

南又東經合江縣北又東入重慶府江津縣界華  
陽國志江陽縣江中有大關小關季春黃龍堆沒

關即平水經注江水逕漢安縣北又東過江陽縣  
南洛水注之又東逕樊石灘又逕大附灘又東過

符縣北元和志汶江水謂郃水從符關東北注之  
又東北至江州經綿水縣東十五里又經江安縣

北八十步蘆川縣南三十步案宇記汶江入蘆川  
縣又名蘆江舊志蘆江自州城南又東南出而會



雒江今州治東即為江泚夏潦水漲兩江環合瀾漫浩渺如火海然州人謂之海觀舊志大江自南漢入江安境東南流三十五里至縣城北又東折北流四十五里入納谿縣界經縣城北入州境三十里至州東北合沱江名曰合江又六十里入江界六十里經縣城北又折東北流三十里入江津資江在州北即綿瀾雒諸水下流自敘州府富順縣流入漢書地理志綿瀾注瀾水東南南至江陽入江水經注雒水自資中經漢安縣謂之綿水至江陽方山下入江謂之綿水口亦曰中水元和志中江水亦曰綿水經瀘川縣北三里出麴金舊志沱江在州北門外入州境流八十里至州城東北陽支江在州西北寨宇記支江水從富巖入大江縣駕鴛池屈曲至城下與波江合明統志流經安夷鎮入資江舊志在州西北六十里源自富順縣椽子漕流入州境又南五十里至

懷德鎮

### 思晏江

在州北六十里自崇昌縣界來南流四十里繞玉塘山下又南入資

江又有九曲溪在州北九十里自陸

### 悅江

在州東北二十

里源自崇昌縣白馬洞流入州境

龍馬潭入大

江明統志龍馬潭在州東北二十里名勝志相傳

下有龍窟

按輿圖有龍溪發

### 澄谿

在州南門外源自寶山下

入大納谿在納谿縣西自永寧縣流入寨宇記源

### 納谿

從牂牁生僚界來入汶江舊志即永寧

河源出永寧衛界阿永番部凡永寧及瀘州衛以

北諸水匯流經江門峽大州而北至縣西門入大

江又有宋江源出永寧衛大壩營東北流經瀘州

衛城東門外又東北流十里入永寧衛界合永寧

河

### 安樂谿

在合江縣東自仁懷縣流入今名小江即古大涉水也亦曰帽部水漢書地理



在江安縣東二十里  
相傳有白龍潛其中  
**雙井** 在州北二十里  
宋紹興中掘淺墾得碑乃唐乾

元間蘇德  
元所鑿  
**鹽井** 在江安縣東北華陽國志漢安  
縣有鹽井在縣西北十一里

### 古蹟江陽故城

今州治漢置漢景帝六年封趙相蘇  
嘉為江陽侯後為縣屬犍為郡後漢

末置江陽郡華陽國志江陽本犍為支江都尉建

安十八年劉璋置郡是也晉安帝時失土備置江

陽郡於武陽縣界宋時始復舊土為東江陽郡梁

始置瀘州隋改縣曰瀘川又改州為瀘川郡唐復

曰瀘州元始蜀縣入州舊志宋淳祐三年余玠遷

州治於神臂崖俗名鐵瀘城元至元二十年又遷

於州東茜草壩夏秋水急灘險泊舟為難明初始

遷故名拓蒲家莊犀牛寨而居之以經三遷俗謂

之三瀘川按宋書州郡志云江陽郡中失土於東

江陽郡則曰今新復為郡元和志作晉穆帝置東

江陽郡誤又按宋齊二志郡皆治漢安而無江陽水經注亦以漢安為江陽郡治疑宋齊時嘗併江陽入漢安至梁時始復置為蘆州治然隋唐諸志並不云江陽嘗省又不云漢安嘗為郡治未詳

### 漢安故城

在江安縣東後漢置縣華陽國志漢安縣在犍為郡東五百里土地雖迫山川

時美有鹽井魚池以百數水經注江水逕漢安縣北江陽郡治也元和志江安縣東北至蘆州五十里本漢江陽縣地李雄亂後沒於夷獠晉穆帝於此置漢安縣隋開皇十八年改為江安縣王存九域志縣在蘆州西南一百十五里按元和志道里與九域志不同蓋宋時移治也

### 涇南廢

### 縣

在州西南唐書地理志在涇水之南舊志在州西南四十里或曰在江安縣涇灘之南

### 廢

### 符縣

在合江縣西華陽國志符縣在江陽郡東二百里元鼎二年置治安樂水會東接巴蜀樂

城南通平羌覽縣元和志合江縣西至瀘州一百  
二十里本漢符縣地晉穆帝於此置安樂縣梁改  
置安樂戍周改為合江縣案守記唐元和十二年  
移於舊縣以便水陸貿易之宜從東川節度使李  
逢吉之請也宋史地理志嘉熙三年築合江之格  
山四年又築合江之安樂山為城舊志唐置合江  
縣於白沙鎮宋移治故城元移治神臂山南明又  
移安樂山麓按元和志謂晉置安樂縣今沈約  
志不載齊志東江陽郡有此縣  
蓋齊時嘗置縣梁改為戍也  
安谿廢縣 在合江  
地理志大觀三年以合江之安谿若為縣隸純州  
宣和二年復廢為若舊志在合江縣西南一百里  
又南為美利城亦初屬綿水廢縣 在江安縣西東  
純州後廢為若元俱廢  
晉置屬東江陽  
郡宋齊因之隋屬瀘川郡唐屬瀘州元和志縣北  
至瀘州一百六十里本漢江陽縣地舊唐書地理

志當綿水入江之口宋史地理志  
乾德五年省綿水為鎮入江安  
**廢宋州** 在州西

為羈糜州領犸龍犸支宋水廬吾四縣屬瀘州宋  
因之後廢今瀘州衛境有宋江蓋因廢州得名

### 納谿故寨

今納谿縣治宋皇祐二年置軍若巡司  
屬江安縣後升為縣舊志元大德中嘗

移治於江北以避水害至大中復還今治

### 九支城

縣基尚存名曰舊縣壩在今縣北十里

在州東南宋史地理志瀘州領九支城大觀二年

建純州置九支安溪兩縣及美利城宣和二年廢

純州及九支縣為九支城以安溪美利城為若改

慈竹若為堡舊志九支城在州東南九十里與仁

懷縣及永寧縣接  
**樂共城** 在江安縣南夷寨也九

界今地名九支壩  
域志在瀘州西南二百

六十里元豐五年置明統志在江安縣南小龜山  
宋置城領江安寨鎮溪梅嶺大洲三堡後併城入

江安縣寨入納谿縣林廣討  
瀘夷乞弟破樂共城即此

### 三江磧城

在江安縣西宋史地

理志嘉熙三年築

### 瀘州故衛

在州西南二百里明洪武二十五年陝西

江安之三

長安衛軍征雲南選命駐守州城改為瀘州衛分

立左右中前後五所隸焉正統中調前所於利州

衛後所於青州所成化四年都掌種大壩蠻叛事

平因遷衛於九姓土司宋江渡其地本名渡船舖

增置官軍並調重慶衛前所充之衛城周四里有

奇門四弘治間復於東城外築城周一里有奇控

制蕃落為西南之要害

### 南井監

在江安縣東北宋熙寧八

年置元初廢九城志在州西

### 鎮遠樓

在州治內四山環合氣象

甚七十里舊志今為南井舖

### 南定樓

在州治東宋郡守晁公武建取諸葛出師表中語為名

### 吏隱閣

在江



安縣治宋治平  
中縣令節  
館建  
西山堂  
在州城西賈山之  
上宋李臺有記  
籌邊堂

### 雅歌堂

俱在州治內宋安  
撫使黎伯登建  
袞繡堂  
在州治內宋  
安撫使趙雄

出鎮於此  
改今名  
瀘江亭  
在州城外江阜明統志為賓饗  
之所宋虞允文十歲時侍父潛

潼川遇此  
亭有詩  
四香亭  
在州治南宋按撫使趙雄題額  
永嘉何希環曰茶蘼香春芙蓉

香夏木稱香秋  
梅香冬因名  
鰲亭  
在合江縣西十五里  
後唐王琛讀書之所  
偶住亭

在江安縣東北明統志宋黃庭堅自夔道還過邑  
宰石諒同遊此亭書琴操改為渡瀘亭范百祿平

壁碑  
撫琴臺  
在州北二里相傳尹伯奇  
被諧撫琴作履霜操於此  
雁塔  
在州

舊郡學宋安撫使趙雄即講堂中  
庭立二雁塔鏡進士姓名於上

關隘龍透關

在州南七里明統志世傳諸葛武侯所立州志在州南五里明崇禎間又加修

蕪玉塘關

在州北六十里玉塘山當隆昌大道路達會城又有永安半邊二關皆在江北

明時建倒馬關

在納溪縣南一百三十里明初置因倒馬坡為名又石虎關在縣南一百

五十里亦明初置關前有石如虎因名皆路通雲貴

符關在合江縣南漢書西南夷傳武帝建

元六年以唐蒙為中郎將將千人從巴符關入見夜郎侯多同

九姓長官司在州西南

舊瀘州衛西十里元初立夷民羅氏等九人為把總至元初改九姓蠻夷長官司明洪武四年改

九姓長官司屬永寧衛後屬瀘州本朝順治四年土官任宗學聯附仍授原職其地東接永寧縣

界西南南皆接與文縣界北接納谿縣界今設州同駐此

嘉明鎮巡司

在州北嘉明鎮

其地與陸昌接界  
本 **大洲堡** 在納谿縣南宋元  
朝雍正七年置巡司 豐中置屬樂共城

後改屬 **梅嶺堡** 在江安縣西南九城志樂共城領  
納谿 鎮溪梅嶺二堡舊志梅嶺堡在縣

西南一百二十里相傳亦諸 **博望寨** 在州南十里  
葛亮屯兵處又南為鎮溪砦 宋政和七年

置亦曰南壽寨以在南壽山下也又綏遠寨在州  
西南宋大觀中置屬滋州宣和三年改屬瀘州宋

未俱 **保子砦** 在納谿縣西十里舊志相  
廢 傳武侯南征嘗駐兵於此 **江門砦** 在

谿縣南宋元豐五年置屬樂共城後城 **安遠砦** 在  
廢改屬納谿縣明成化中置江門堡 江

安縣南宋史地理志元豐三年廢平夷堡於羅池  
改葺安縣九城志江安縣有納谿寧遠西遠安遠

南田五寨明統志安遠寨在江安縣南 **石棚鎮** 在  
七十里世傳諸葛亮征蠻於此屯駐 州

南二十里又李市鎮在州北  
瀘川驛 在州治東又  
一百里明初皆置巡司久廢  
黃鐵驛在州

東六十里渠壩驛在州西南七十里連永寧  
立市  
衙界舊皆為水驛久裁今止於州城設馬站

驛 在州治北又來節驛在州北王塘山下連隆昌  
縣界瀘州澤在瀘州衙西五里舊皆為馬驛久

裁  
納谿驛 在納谿縣治東又峽口驛在縣東南接  
永寧衙界舊皆為水驛今裁於納谿縣

設馬  
江門驛 在納谿縣南二百里即江門岩明置  
驛今仍為馬站南至永寧縣界八十

里  
牛腦驛 在合江縣治東又神仙驛在縣西六十  
里史壩驛在縣東六十里舊皆為水驛

今  
真谿驛 在江安縣城外又大洲驛在縣東一百  
二十里皆本朝康熙中置今裁又舊

有江安水驛在縣西董壩  
水驛在縣南六十里又廢

津梁特稜橋

在州東北三十里一名橫凌橋明統志  
宋有女子因母病歸省驟雨水漲號泣

不能渡俄有一木流至橫凌水上

洪濟橋

在州北通衢商

波既不見人以為考感尋造橋

賈輻

天生橋

在州北六十里山石生成不假斧鑿

通仙橋

在合江縣北明統志

隋劉善慶嘗息於此

單公橋

在江安縣東明萬歷中知縣單汝志修為

後白晝飛昇因名

澳點

餘甘渡

在州東北宋唐庚詩百觔黃鱸王萬戶赤酒流霞餘甘渡頭客艇荔枝

林下

人家

陵墓周尹伯奇墓

在州北二里舊志云伯奇投江後太師莫之歸子山下今歸子寺後

墓高

漢董允墓

在州東董允壩

唐注先墓

在合江縣西五里

明忠

山四僕墓

在瀘州明末獻賊繳城知州蘇瓊殉難僕婢自殺者七人後瓊奉諭祭歸葬江

南州人瘞其四僕于忠山  
今管墓壘不可辨矣

祠廟穆清祠

在川南二里  
祀周尹吉甫

武侯廟

在川西寶山上明  
統志每歲蠻人貢

馬必相率拜於廟宋劉光祖詩蜀人所至祠遺像  
蠻徽猶知問舊碑通志本朝康熙七年重建并

祀候子瞻孫  
尚曰三忠祠

呂光廟

在合江縣南安樂山  
側一名登天王祠

晉王廟

在合江縣南月臺  
山祀唐李克用

曹侯廟

在納縣南江門驛明  
洪武中曹震治水有功

後人為  
立祠

寺觀開福寺

在州治南有宋黃庭堅大像記又有北  
巖寺在城北普門寺在城南真如寺在

城西南 玉林寺

在納谿縣西元大德間建 其地產青白石似玉因名 廣慈寺

在合

江縣北隋 開皇中建

東林寺

在江安縣東又有西林寺 在縣西俱宋紹興中建

元妙

觀

在州治南 後周時建

朝元觀

在合江縣北 元秦定中建

名宦宋錢文敏

河南新安人太祖時知瀘州至郡有政績夷人詣闕借留詔改殿中丞許

再 劉平

祥符人真宗時夷人寇清井以平權瀘州 事卒三千擊走之寇準薦平知瀘州

夷人自是 不敢擾邊

熊本

番禺人熙寧中經制瀘州夷事募 土丁五千人入夷界捕戮水路大

小四十六村蕩平其地二百四十 里募民墾耕聯其夷屬以為保甲

王獻可

澤州人 知瀘州

黃庭堅謫於涪獻可 趙道

開封人政和五年晏州 夷卜漏反陷梅嶺堡以

邁為瀘南拓討使大破賊兵斬下漏晏州平諸夷  
落皆降拓地環二千里邁為建城若畫疆故募人

耕種號

**李燾**

丹稜人乾道中帥潼川兼知瀘州首  
日勝兵

市致州羈縻馬母溢顯戒官民毋於禁

**許奕**

簡州人寧

地伐木以開邊人入寇之路皆報可

宗時知瀘州安撫使安丙新立大功讒忌日聞宰  
相錢象祖出榜書問奕奕以書自明於是吳論頓

息

**魏了翁**

邛州人開禧中知瀘州奏葺其城樓櫓  
堞增置砲械教習牌手中嚴軍律興學

校蠲宿負復社倉勸義塚建養濟院居數月  
百廢俱舉進文華閣待制賜金帶仍其任

**王世**

**昌**

瀘州安撫使元兵圍城食盡  
人相食遂破之世昌自經死

**明蘇瓊**

石椽人崇  
禎末知瀘

州獻賊陷城正衣冠向闕拜泣坐堂上賊至遂  
死之本朝乾隆四十一年賜諡忠愍



本朝劉澤厚

吳橋人康熙三年知江安縣鄉寇白應龍具天民攻城澤厚率壯勇登城守禦

力竭城潰死之

王毓奇

奉天正紅旗人康熙三十二年知瀘州除耗羨嚴保

甲盜賊敏避民安其居州人祠之

人物宋李鳴復

瀘州人嘉定初進士歷大理少卿侍御史兼侍講進對言荆襄制臣有當

戒者三曰去私曰禁舉曰懲怒累遷知樞密院兼參知政事加資政殿大學士

明曾璵

瀘州

人正德進士授戶部郎中忤劉瑾出為建昌知府宸濠之變璵有討逆功

高光

瀘州人為應天

府通判天啟初奢崇明陷其城光雍髮為僧與子在崑崙壯士殺賊百餘賊怒追至大葉壩光罵賊

不屈與家衆十二人同死

韓洪鼎

瀘州人萬曆舉人任山西澤州知州致仕歸獻賊破瀘父

子罵賊死

本朝乾隆四

韓大賓

瀘州人崇禎舉人任貴州推官

十一年

賜諡節愍

賊陷雲南不屈死

本朝乾隆

吳長齡

瀘州人監生天啟初奪崇

隆四十一年

賜諡節愍

明陷其城率衆復之

尋中伏父子俱戰死

本朝韓士修

字琢庵瀘州人性至孝博學能文康熙丙午鄉薦第一母卒哀毀骨立成歿丑

進士選庶吉士值滇南之變干戈阻道士修以遠

違親養憂戚成疾垂死衣冠西望再拜作書與父

訣辭極酸楚人咸惜之初同里有湯潔字岷水康

熙癸卯舉人事親亦以孝聞瀘人舉文行者必稱

韓湯

顏欽明

瀘州人康熙丙午舉人研心經史之學吳三桂據蜀士大夫多為迫脅欽

明抗節不屈蜀平結屋王鳩

山下二十餘年不入城市

列女漢先尼和女絡

尼和符縣吏永建元年十二月  
縣長趙社遺尼和詣巴郡過城

瑞難死子賢求喪不得女絡年二十五乃分金珠

作二錦囊繫兒頸下垂小舟至父沒所來哭自沉

見夢告賢曰某日與父屍俱出至日父子俱

浮出江上郡縣上言為之立碑以旌故考 明 鄆

氏

合江人元末紅巾賊亂被擄  
奪刀自刎事聞建祠旌表

馬仲芳妻史氏

州 廬

人嫁彌月仲芳溺水死

史扶一目自誓守節

馮敏季女

江安人幼聰慧  
通列女傳未字

敏辛葬之日斷左小指置襖內誓不受聘母弟陰

許聘馮令婢諭意女操刀擊婢事遂寢事聞旌表

元氏

合江人父渡江溺死女至死所赴水  
求父三日後扼父屍浮出事聞旌表

文愛萬

女正針

江安人年十七駢藍賊猝至  
欲脇以從正針不辱投水死

黃銘女龍英

瀘州人年十六被賊曹甫劫掠罵賊不絕口賊怒斬其首事聞旌表

王悅妻羅氏

合

人天啟中奢賊陷城羅被執過馬街渡悅奔趨求贖之羅大聲曰君勿至贖我無具反罹害言畢投

馬街渡死

胡大斗妻黎氏

瀘州人賊破白馬碛

張

琴妻胡香

瀘州人琴患惡疾香事之不違琴卒遂自縊

本朝徐明蛟妻杜氏

合江人明蛟明末撫標叅將討賊死難杜適在軍中投環欲殉

以救免擄二子避亂採蕨而食貧困流離人所不堪杜怡然終身

馬愷妻曾氏

瀘

人夫歿曾年十九族人逼之改適曾髻面斷髮示不可奪養姑教子以婦道稱又合江將士梓妻王

氏年十九而寡苦節終身

游璋妻楊氏

瀘州人年十五夫亡守節又夏思竟妻羅氏游

璋妻楊氏羅國俊妻張氏汪遇  
文妻李氏俱乾隆年間 旌表

### 仙釋隋劉珍

開皇中居合江之安樂山忽取丹經鐘  
磨封於石室中日後六十年當有聖君

取之自以火化唐高宗果遣使者取丹經鐘  
磨以進詔即山中建一延真觀廟乃御筆也 唐落

### 魄山

姓張常賣夙樂於梓州獄吏王昌市藥以歸  
胤食之皆飛去後昌入瀘又遇之乃易其藥

餌之呼昌為易元子授以道術取馬送

昌歸至家馬化龍入潭昌後遂仙去

### 土產麩金

元和志瀘州賦寰 華陽國志漢 元和志  
貢中江水出 鹽 安縣有鹽井 瀘州貢 麻

### 布

元和志瀘州賦寰 常携 瀘州之茶樹夾 僚  
宇北瀘州產班布 茶 案宇記瀘州之茶樹夾 僚

摘牙茶必含於口待其展然後置於 窠中旋塞其  
窠歸必置於暖處其味極佳又有窠者其味辛而

性熱飲之療風

通呼為瀘茶

藥

寰宇記瀘州  
產大黃杏仁

醬

元和志  
瀘州貢

花竹簞

寰宇記

楠木

荔枝

石青

石綠

明統志皆  
州土產

瀘州產

欽定大清一統志卷三百十一


𠄎

𠄎


𠄎



資州圖







資州表

兩漢

三國漢

晉

宋齊梁

魏周

隋

唐

五代

宋

元

明

資州

漢資中縣地

盤石縣  
周置

資陽郡

開皇七年移資州來治大梁初

改郡

盤石縣

郡治

月山縣

義寧二年置屬資州

龍水縣

義寧三年置

銀山縣

義寧二年置

資州資陽郡

復置州屬劍南道

盤石縣

州治

月山縣

屬資州

龍水縣

屬資州

銀山縣

屬資州

丹山縣

資州資陽郡

屬資州屬

盤石縣

屬資州屬

月山縣

乾隆中省

龍水縣

宣和二年更名資州

銀山縣

後復舊名

丹山縣

資州資陽郡

初廢至正宋明玉珍

盤石縣

復置資州

月山縣

乾德五年省

龍水縣

乾德五年省

銀山縣

乾德五年省

丹山縣

資州資陽郡

降隸屬武

盤石縣

郡府

月山縣

乾德中省

龍水縣

乾德五年省

銀山縣

乾德五年省

丹山縣

仁壽縣	內江縣	資陽縣	
漢武陽縣地	有十縣地	資中縣 屬岷州	
		資中縣	
		資中縣	
懷仁郡 梁賈		資中縣	
西魏賈州 郡	中江縣 明蜀屬賈 中郡	資陽縣 唐改名移 州未治 并置資中 郡	
隆山郡 初廢郡大 梁初又改	內江縣 唐屬賈 清末置斗 輝縣	資陽縣 唐屬州後 屬資陽	
陵州仁壽 郡 初復置州 屬劍南道	內江縣 屬賈州	資陽縣 屬賈州	貞觀四年 置屬賈州
陵州 屬蜀	清溪縣 屬賈州又 對和更名	資陽縣	
隆州 唐初廢并 州為陵并 置中和 改仙丹並 隆興五年 復升州為 成都府路	清溪縣 光德中省	資陽縣	省入簡州
	內江縣 初復置屬 成都府	資陽縣 成化二年 復置屬武 都府正統 中改為簡 州	

井研縣	
大陽縣地	
江陽縣 <small>東晉格員</small>	
西江陽縣 <small>復廢</small>	即治而不 具縣
蒲亭縣 <small>西魏置</small>	蒲亭縣 <small>蒲亭縣</small>
井研縣 <small>大業初置 屬隆山郡</small>	籍縣 <small>同置</small>
始建縣 <small>開皇中置 屬隆山郡</small>	仁壽縣 <small>開皇中置 名即治大 業初省蒲 亭縣入</small>
井研縣 <small>屬陵州</small>	仁壽縣 <small>州治貞觀 中徙</small>
井研縣 <small>屬陵州</small>	仁壽縣 <small>州治</small>
井研縣 <small>屬隆州</small>	仁壽縣 <small>屬成都府</small>
井研縣 <small>初仍省仁 仁壽復 屬成都府</small>	仁壽縣 <small>屬成都府</small>



欽定四庫全書

欽定大清一統志卷三百十二

資州

在四川省治東南三百四十里東西距四百三十里南北距五百里東至叙州府隆昌縣界一百五十里西至眉州界二百八十里南至嘉定府樂山縣界三百二十里北至成都府簡州界一百八十里東南至嘉定府威遠縣界八十里西南至眉州界二百九十里東北至潼川府安岳縣界八十里西北至成都府簡州界二百二十里本州境東西距一百三十五里南北距一百三十里東至內江縣界四十五里西至仁壽縣界九十里南至嘉定府威遠縣界五十里北至潼川府安岳縣界八十里東南至內江縣界五十里西南至威遠縣界六十里東北至內江縣界七十里西北至資陽



縣界四十五里自州治  
至京師六千五百里

分野天文井鬼分野鶉首之次

建置沿革禹貢梁州之域秦為蜀郡地漢為犍為郡

資中縣地西魏屬資州

時州治陽安  
即今簡州

後周武成二

年自陽安移州治資陽縣并置資中郡保定中於

此置盤石縣隋開皇七年始自資陽移州來治大

業初改州為資陽郡唐武德元年復曰資州天寶

元年復曰資陽郡乾元元年復曰資州咸通二年

徙治內江七年復故屬劍南道

唐書地理志咸通六年州徙治內江

七年復治盤石

五代屬蜀宋亦曰資州資陽郡屬潼川路

元時州縣俱廢至正末明玉珍復置資州明洪武四年改州為縣屬成都府

本朝雍正五年復升為直隸州屬四川省領縣四

資陽縣

在州西北一百三十里東西距一百三十五里南北距一百三十五里東至本州界

九十五里西至仁壽縣界四十里南至本州界八十五里北至潼川府樂至縣界五十里東南至本州界九十里西南至仁壽縣界五十里東北至潼川府安岳縣界一百二十里西北至簡州界八十

里漢置資中縣屬犍為郡後漢晉及宋齊因之後  
周武成二年改置資陽縣為資州及資中郡治隋  
開皇初即廢七年又移州於盤石以資陽為屬縣  
大業初屬資陽郡唐屬資州宋因之元省入簡州  
明成化二年復置資陽縣屬成都府正德中改屬  
簡州 本朝初屬成都府雍正五年改屬資州

### 內江縣

在州東南九十里東西距一百五里南北  
距一百三十里東至重慶府榮昌縣界六

十里西至本州界四十五里南至叙州府富順縣  
界五十里北至潼川府安岳縣界八十里東南至  
叙州府隆昌縣界五十里西南至嘉定府威遠縣  
界四十里東北至重慶府榮昌縣界六十里西北  
至本州界五十里本漢資中縣地後周天和二年  
置漢安戎尋改置中江縣屬資中郡隋避諱改曰  
內江屬資陽郡唐屬資州宋因之元初省明洪武  
初復置屬成都府 本朝雍正五年改屬資州

仁壽縣

在州西二百里東西距一百三十里南北距一百三十里東至資陽縣界八十里西

至眉州彭山縣界五十里南至井研縣界六十里北至成都府簡州界七十里東南至井研縣界九十里西南至眉州界六十里東北至簡州界六十里西北至成都府雙流縣界七十里本漢犍為郡武陽縣東境晉置西城戍梁置懷仁郡西魏置陵州又置普寧縣為州即治隋開皇三年即廢十八年改縣曰仁壽大業初改州為隆山郡唐武德元年復曰陵州天寶元年改曰仁壽郡乾元元年復曰陵州屬劍南道五代屬蜀宋熙寧五年廢州為陵井監宣和四年改仙井監隆興五年又改曰隆州屬成都府元至元二十年州廢以仁壽縣屬管成都路明屬成都府本朝雍正五年改屬資州

井研縣

在州西南二百四十里東西距六十里南北距三十五里東至嘉定府威遠縣界四

十里西至眉州青神縣界二十里南至嘉定府界  
十五里北至仁壽縣界二十里東南至嘉定府榮  
縣界六十里西南至嘉定府界二十里東北至本  
州界六十里西北至仁壽縣界七十里本漢犍為  
郡武陽縣地井研鎮晉安帝僑置江陽郡亦曰西  
江陽郡宋齊因之西魏置蒲城縣後廢隋大業元  
年置井研縣屬隆山郡唐屬陵州宋屬仙井監南  
渡後屬隆州元至元二十年並入仁壽縣後明玉  
珍復置明洪武十年又省入仁壽縣後復  
置屬成都府 本朝雍正五年改屬資州

形勢秀山層出資水環流

舊志

風俗民性質實安於耕讀

舊志

城池資州城

土城周四里有奇門九外環以濠本朝康熙初重修

資陽縣城

周八里有奇門四明成化中土築嘉靖間始甃以石明末為流賊所燬 本朝乾隆五年及二十八

年相繼修葺三十五年重修 內江縣城 周九里有奇門八明成

十七年重修 仁壽縣城 舊有石城三百餘丈環東西南

重修 井研縣城 周三里奇門四明成化初土築嘉

修重

學校資州學 在州城東門內宋雍熙中建明末燬 本朝康熙二十三年改建州南雍正二

年復還故址入 資陽縣學 在縣治南宋嘉祐初建

學額數十二名 內江縣學 在縣治西南宋乾德初建明末

額數  
八名  
**仁壽縣學**  
在縣治東宋淳化初建明末燬  
本朝康熙六年重建入學額數九

名  
**井研縣學**  
在縣治東南宋乾德初建  
本朝康熙三年重修五十二年重修雍正十

二年又修八  
學額數八名  
**子淵書院**  
在資陽縣今廢為捕廳署  
本朝乾隆初知縣劉熾復

建立書院于縣西北隅又鳳山書院在井研縣東  
來鳳山明教諭談起鳳建崇正書院在井研縣龜

山即四李祠明嘉靖間知縣韓邦儒建今  
俱圯廢謹附記各州縣並設有義學社學

**戶口**  
原額人丁一萬二千三百一十一又滋  
生人丁十一萬八千九百六十三

**田賦**  
上中下田地三萬五百二十六頃三十四畝一  
分二釐零額徵丁條糧銀三萬四千五百五十

五兩八錢四  
分七釐零

山川東隼山

在州東二里

蘭山

在州東十五里樂史太平寰宇記高三里上有八角

峯面各深秀

醮壇山

在州西二里曹學佺名勝志山為李阿修煉處

平岡山

前唐

書地理志盤石縣有平岡山舊志在城西三里相傳仙宗所宅

鶴鳴山

在州南五百步寰宇

記五老傳云張道陵乘白鶴飛鳴於此

石人山

在州南十五里寰宇記隔中江高八丈

鳳凰山

在州北二里下有石洞為宋狀元趙遠讀書處

重龍山

在州北五明統志齒

峯盤屈隱若龍轉乃資中之勝也上有天池大旱不竭

丹神山

在州北五里寰宇記值天

早祈之即雨舊志故丹山縣以此名

金紫山

在州東南二十里

銀山

在州東南四十

里山形如鏡古今集記唐田游巖入蜀居於銀山聚弟子歌雅詩以為樂今山有雅歌臺

金爐



山在州西南二十里

玉京山

在州西南五十里一名玉清山峭峻壁立挿天連雲上有

觀曰天馬山

在州西南六十里

四明山

在州西北一里

盤石山

在州

西北寰宇記盤石縣有盤石山舊志在縣西北二里狀如盤陀後周以此名縣其西為靈巖

資

山

在州西北七十里

寶臺山

在資陽縣東二里隔江

花冠山

在資陽縣東六

十萬鐘山

在資陽縣東六十里

鳳臺山

在資陽縣西二里

雙峰山

在資

陽縣西五里二峰並峙

書臺山

在資陽縣南五里相傳漢王褒讀書處

高廟山

在資陽縣南十里此大江之口上有高廟

鷲臺山

在資陽縣南二十里

大佛山

在資陽縣南四十里上有大石佛

蓮臺山

在資陽縣北三里

崑崙山

在資陽縣

北十五里中江所經縣志高  
聳特出土人比之崑崙故名  
雞鳴山 在資陽縣北三十里世傳

陳子昂為土主神自射  
洪過此雞鷓齊鳴矣  
老君山 在資陽縣北四十里世傳老子修煉

於琉璃山 在資陽縣北三十里山  
勢巍峩與老君山遙峙  
獨秀山 在資陽縣西南

三里今亦名  
名資山即此  
虎山 在資陽縣東北五十里其形如虎  
金龜山 在資陽縣東

東北六十里土山石峰頂  
有石其形如龜卦文天然  
威峰山 在資陽縣東北七十里高出雲

表為一  
降福山 在內江縣東二里下  
方之鎮 有應龍崖禱雨有應  
翠屏山 在內江縣東

東二里其山森列如屏  
晚霞映射山景如畫  
化龍山 在內江縣西二里一名翔龍山上有

凌鳳龕長生  
觀冷然洞  
三堆山 在內江縣西二十里中江  
所經三峰挿漢高閣慈空華

**萼山**

在內江縣西二十里唐范宗凱讀書於此明皇時獻華萼樓賦為天下第一鄉人崇之因

以名山

**鏵影山**

在內江縣西二十九里有二泉更流迭止與海朔相為盈縮

**翔龍**

**山**

在內江縣南二里

**高峰山**

在內江縣南二十里濱江有湖曰會真

**將軍山**

在內江縣北八十里唐將軍薛萬徹討夷獠屯兵於此因名

**金紫山**

在內江縣東南三十

里**石筍山**

在內江縣東南七十里名勝志有石如筍者三下圓上銳晴影沈江則長虹滿

地新月初上則明燭當天形家以三堆為邑之天關石筍為地軸云

**石城山**

在內江縣西南

五十里其形似城

**蓬瀛山**

在內江縣西北二十餘里危峯巖孤峭石壁千仞可畏

**三**

**隅山**

在仁壽縣城外李吉甫元和志有東隅南隅西隅三峰相對去陵井各一里故名寰宇記

飛泉山在縣東一里舊名東隅 按圖經隋仁壽元年獠反百姓咸於山頂避難有飛泉湧出獠平

泉涸因呼為飛泉祝穆方輿勝覽南隅曰霸斯西隅曰跨巖舊志跨巖在縣東一里飛泉在縣東南

隅霸斯在縣西 麗甘山 在仁壽縣東二十里寰宇北隅總名三隅 麗甘山 記圖經云昔有十二玉女

於此川汲泉煎鹽以玉女美麗 佛巖山 在仁壽縣其鹽味甘為名今窳跡猶存 佛巖山 東二十五

里一名佛龕山有唐歐陽詢書磨崖碑 甘崇山 在山有三石像背虛面巖俗呼倒坐寺 甘崇山 在

壽縣東二 瑞雲山 在仁壽縣 天池山 在仁壽縣西十五里 東四十里 十五里一名

本院山相傳昔有譚子得 玉屏山 在仁壽縣西二道於此有池曰譚子池 玉屏山 十里方輿勝覽

西山環聚玉 丹沙山 在仁壽縣西元和志在籍縣屏為之冠 丹沙山 南七十里寰宇記山出赤土

儒社山

在仁壽縣南四十里虞允文有碑

石矩山

在仁壽縣北十里石壁如城

亦名石城山絕頂望見峨眉

金華山

在仁壽縣北一百十里其左為卧龍山右為仙牛山

鼎鼻山

在仁壽縣西南隅環字記仁壽縣有鼎鼻山方輿勝覽在縣南一里其形隆起亦曰

隆山

在仁壽縣西

印山

在仁壽縣東北一里以山形方整而名

車山

在仁壽縣東北二十里元和志在貴平縣西南九里寰宇記山近鹽井聞推并唱歌之聲

故貴平山

在仁壽縣東北廢貴平縣北二十三里從廣都及平泉縣迤邐入界

香雲

山

在仁壽縣東北五十里山有碑載唐末伏虎禪師事

木梓山

在仁壽縣西北寰宇記在

籍縣北六十里出梓木

麟山

在井研縣城內與縣治相對又鳳山在縣東半里與縣學相對

有一峰極秀土人號為秀巖  
**龍頭山** 在井研縣東二百步  
**鐵山** 在井研縣東元和志

在始建縣東南七十里出鐵諸葛亮取為兵器其  
鐵剛利堪充貢方輿勝覽在井研縣東北六十里

又寰宇記有鐵山在盤石縣南五十里按威遠縣  
界今井研縣東南三十里有茆香山名勝志謂即

**鐵山** 在井研縣東十五里下有  
**五鳳山** 在井研縣東十五里下有  
**佛姥山** 在井研縣東十五里下有

長春  
**石筍山** 在井研縣東二十里與石牛山對峙  
**獅子社溪山** 在井研縣

東三十里上有石磴古蹟  
**書臺山** 在井研縣西舊志學官坐  
鳳山取此為案曰鳳啣書  
**五**

**星山** 在井研縣西  
**翠屏山** 在井研縣西五百步學官外  
案也又文筆山亦在附近

**金紫山** 在井研縣西三十里宋牟氏  
世居山下官多金紫故名  
**石馬山** 在井研縣

西三十里有  
巨石如馬

**尖山**

在井研縣  
西五十里

**龜山**

在井研縣南百  
步有元帝廟舊

志崇正書院入賢  
祠文昌祠今廢

**執笏山**

在井研縣南五  
里一峰突出

**月峰山**

在井研縣南十里  
刻有古月峰三字

**三嵎山**

在井研縣南十五里  
有鄧喻墓磨崖碑舊

志前有獅子峰  
勿剪亭碑在焉

**井鑊山**

在井研縣北二里唐書地  
理井研縣有鑊山寰宇記

記其山俯臨  
井鑊因名

**白塔山**

在井研縣北  
山有石泉

**鼓樓山**

在井研  
縣十五

五里  
**九龍山**

在井研縣  
北十五里

**磨玉山**

在井研縣西南三十  
里綿亘廣遠接嘉隆

眉禁四  
州之境

**東巖**

在州東三里形若剖又側立千尺溪  
壑深杳又西巖距城六里石壁夾道

如城如峽南巖即重龍山也北巖距城半里煙巖  
乳泉滴澗四時不竭宋京蜀事補亡東蜀江山鬼

奇資中為最資中勝聖水巖在內江縣西七里有  
游十數而四巖為最

池早禱 豔陽洞在仁壽縣城北方與勝覽在至道  
輒應 觀後重巖之下或曰藏衣洞蓋張

道陵修 中江在州南自成都府簡州流入資陽縣  
煉之所 又東南逕州界又東南逕內江縣界

又東南入叙州府富順縣界一名牛鞞水即綿江  
洛諸水下流也常璩華陽國志資中縣受牛鞞江

鄺道元水經注雒水與綿湔二水合逕牛鞞縣為  
牛鞞水又東逕資中縣又逕漢安縣謂之綿水自

上諸縣咸以灌溉故語曰綿洛為浸沃也牛鞞水  
東去資陽縣二十一里又牛鞞水合內江水南去

資縣二十步多魚鱉亦出金寰宇記中江水自簡  
州經盤石縣又自十字口流入內江縣界水深百

尺寬羣川總會之所舊志中江自簡州流入資陽  
縣界謂之淮江東南流七十里經縣東一里轉南



合資溪孔子溪又七十里入資縣界為資江亦曰  
珠江東南曲流七十里至縣城西南轉東流十里  
至唐明渡合都溪又四十里入內江縣界又五十  
里至縣西合玉帶溪轉東南八十里入富順內江  
縣志中江自資縣東南經三堆山下折而東至縣  
東復折而南至樺木鎮又折而西北至黃市距三  
堆十五里一水周環九十餘里而縣當其中故曰內江

### 府河

在仁壽縣西北一百里自成都

府華陽縣流入元和志大江在籍縣北三十五里  
即此寰宇記謂之導江今名府河自縣境合蘭溪  
又西南二十里入眉州彭山縣界

### 大濛溪

在州南寰宇記在盤石縣西二十里溪內有石

龍三遇旱祈之即雨今謂之都溪源出州西龍家壩東流二十里至唐明渡入資江

### 資溪

在資

陽縣西寰宇記從平泉縣流入合中江舊志在縣西二里源出簡州山澗東南流縈紆九曲至縣城

西轉南流三里入雁江

**孔子溪**

在資陽縣南二十里源出縣西南山溪東流合中江溪旁

有柳校祠孔子因名

**玉帶溪**

在內江縣西南二里環抱縣學流合中江

**蟠溪**

在仁壽縣

東源出飛泉山下流入蘭溪方輿勝覽在貴平縣北四十里唐末張鴻隱此

**蘭溪**

在仁壽北

北自簡州流入合河俗名黃龍溪即赤水也華陽郡國志建安二十四年黃龍見武陽之赤水明統

志蘭溪水在縣北百里溪流合府河通名為赤水

**龍水**

在州南寰宇記在龍水縣西北從仁

壽縣流入過縣至盤石入中江

**魚蛇水**

在仁壽縣西寰宇記在籍縣南三十五里從縣界夷

啟鄉來南入眉州青神縣界

**祿水**

在仁壽縣北元和志出貴平縣南五十步舊志在今縣北

八十里下流合於蘭溪

**婆支水**

在仁壽縣北元和志出縣北婆支山去縣四十五里又寰

字記仁壽水在縣西  
十里東流合婆支水  
**擁思茫水** 在井研縣南寰宇記在陵州南一百

五十里從縣南界賴井六池南流名擁思茫水湍流迅急不通舟船西南入平羌縣界舊志即喜定

州泥溪之  
上溪也  
**桂湖** 在內江縣城內  
西北與中江通  
**百枝池** 在州北唐書地理志

盤石縣七十里有百枝池周六十里  
貞觀六年將軍薛萬徹決使東流  
**長堰池** 在內江縣

東南三十里  
**宴嘉池** 在井研縣北五里井鑿諸山之水  
滙流於此分為二支紫流縣北邑

人多遊宴其上因名舊志縣無長川巨浸有堰  
百餘池堰四十餘皆蓄諸山溪之水以溉田  
**聖**

**泉** 在仁壽縣南七里寰宇記其水碧色  
患瘡者洗之多愈投銀即變成五色  
**石舊泉** 在仁

壽縣東北二里寰宇  
記居人多汲此泉  
**陵井** 在仁壽縣南元和志井  
本張道陵所闢故以陵

為號晉太原中刺史毛璩於東西兩山築城置禪  
將防衛之後廢更開狼毒井即今之煮鹽井也居  
人承舊名猶曰陵井其實非也今州城南陵井縱  
廣三十丈深八十餘丈益都鹽井甚多此井最大  
以大牛皮囊水引出之役作甚苦寰宇記陵井  
歷代煎水為鹽偽蜀井塞宋乾道三年重開 鹽  
井 州境及諸縣俱有元和志內江鹽井二十六所  
銀山鹽井一十一所又井研鹽井在井研縣南  
七里鎮及縣皆取名焉又有思稜井井鑊井又貴  
平縣有平井鹽井在縣南七步寰宇記仁壽縣界  
舊有七井惟二井現在營井在縣南二十五里蒲  
井在縣南四十里井研縣二十一井五井現在研  
井在州南一百三十三里陵井在州南一百九里  
稜井在州南一百里律井在州南九十里田井在  
州南一百五十一里又始建縣七井惟羅泉井現  
在又貴平縣有上平井在陵州東北九十三里通

志今鹽井資州上井二下井七十八資陽縣鹽井  
四內江縣上井下井二仁壽縣鹽井四井研縣上  
井四中井七下  
井二百二十六

### 古蹟資中故城

在今資陽縣漢置屬犍為郡後周改  
置資陽縣元和志縣東南至資州一

百二十里本漢資中縣地李雄據蜀縣荒廢後魏  
廢帝二年始通已蜀開拓資中周明帝於資中縣  
置資陽縣因資水為名寰宇記後周武成二年於  
漢資中故城置資陽縣即其地按資陽圖經云漢

資中城在今縣北臨  
仁壽故城  
在今仁壽縣東西  
魏置普寧縣為陵

中江水今壞無餘址  
州治隋改名元和志州西至眉州七十里東北至  
簡州二百八十里西南至嘉州一百九十里東至  
資州二百三十五里本漢武陽縣之東境晉太元  
中益州刺史毛璩置西城戍以防鹽井後魏定蜀

於此置普寧縣屬懷仁即周閔帝元年又於北置  
陵州因陵井為名城南北二面懸崖斗絕四面軒  
敞寰宇記故城在縣東二里唐貞觀九年移於城  
西按隋志云西魏置陵州而周本紀元和志皆  
作閔帝元年置不同又隋志云西魏改縣曰普  
寧元和志作置舊唐志云改戎為縣作置為是  
**石廢縣** 在州城北後周置隋為資陽郡治唐為資  
簡州二百二十里正北微東至普州一百七十里  
正東至昌州二百六十里寰宇記後周保定五年  
置盤石縣隋開皇七年自資陽移州于此舊志故  
城在資縣北三里按元和志既以資陽即漢資  
中復謂後周于漢資故二城置盤石縣舊唐志寰  
宇記從之皆誤  
**丹山廢縣** 在州西隋  
義寧二年置唐屬資州宋乾德五年省入盤石元  
和志縣東至資州五十里內江水在縣南一里

龍水廢縣

在州西南元和志縣東至賓州百二十里本漢賓中縣地隋義寧二年招慰夷

獠於此分置龍水縣以縣西北有溪屈曲繞城如龍因以為名宋史地理志宣和二年改龍水為賓川後復故溥祐三年廢舊志今為龍水鄉在城西南八十里

銀山廢縣

在州東元和志

縣西北至賓州四十八里本漢賓中縣地隋為內江縣地義寧二年分置銀山縣因縣界銀山為名寰宇記在州東南三十八里乾德五年併入盤石縣名勝志廢縣在賓縣東四十里今銀山鎮是其處

丹山廢縣

在賓陽縣東北唐貞觀四年置屬賓州六年省入內江七年後置宋乾德

五年省入盤石元和志縣南至賓州一百三十里取界內崇丹山為名

內江舊縣

在今

內江縣西二里寰宇記周天和二年於中江水濱置漢安戍其年改為中江縣隋避諱改中為內開

皇二年徙於漢安故城即今縣也 按後漢所置漢安縣在今瀘州江安縣東大江之南元和志謂

內江卽後漢漢安縣水經注亦有牛鞞水逕漢安之文疑後周之前已嘗僑置漢安縣但非後漢故

縣耳今清溪廢縣在內江縣東北本漢資中縣地不可考隋大業十二年分置牛鞞縣唐

屬資州天寶元年改曰清谿宋乾德五年廢入內江元和志縣西至資州東北一百三十里舊志在

內江縣東貴平廢縣在仁壽縣東北西魏置縣在北八十里今簡州界唐開元十四年移

治祿川卽此宋熙寧五年省入廣都乾道六年復置屬仙井鹽元廢元和志縣西南至陵州六十七

里本漢廣都縣之東南地明統志廢縣在仁壽縣東北六十里舊志唐徙貴平東北去舊城七十里

廢籍縣在仁壽縣西北後周置隋大厯二年廢入貴平縣唐永徽四年復置屬陵州宋熙寧



五年省入廣都乾道六年復置屬仙井監元廢元和志縣東南至陵州一百里本漢武陽縣地周閔

帝於此置籍縣因蜀先主籍田地為名按舊唐

志謂縣本梁席即一名漢陽戍寰宇記云梁天監

中立席即廢即為縣始名曰浦亭廢縣在仁縣縣

席後訛為籍與元和志不同南十五里

隋書地理志西魏置浦亭縣大業初併入仁壽

始建廢縣在井研縣東北

山即始建縣開皇十一年置元和志縣北至陵州

五十五里本漢武陽縣地開皇十一年於今縣立

始建鎮大業五年改鎮為縣聖曆二年移於仁壽

縣界其舊縣復置始建鎮舊唐書地理志縣舊治

擁思茫水聖曆二年移治榮祉山宋史地理志

咸平四年廢始建縣舊在在縣東北四十里

井

研故鎮今井研縣治隋置縣元和志縣北至陵州

一百十五里本漢武陽縣地大業元年因

井研鎮立縣取鎮為名舊唐書地理志井研縣東  
晉置西江陽即魏置浦亭縣隋改為井研武德四

年自擁思茫水移治今所按擁思茫水在今縣

南浦亭故縣在今縣北仁壽界當是東晉江陽及

隋井研縣其治皆在今縣南唐始移而北為故浦

亭縣界耳且隋志廢浦亭縣入仁壽未嘗改浦亭

為井研也劉煦

之說尚未詳悉

趙遠宅在州南六十里西驕馬里

寰宇記潞

硯池見在董鈞宅在資陽縣

即州東城門樓趙

延壽寺後台星樓在資州王象

隹建黃裳為記企仙閣在州治北方輿勝覽憑

石為平雲閣在仁壽縣治蓬萊閣在仁壽縣東輿

記

觀豔陽

含暉閣在仁壽縣治東

書錦堂在州治內

即常衙廳也唐乾符四年高駢建名中和宋趙鼎判即更名

**博雅堂**

在州治內宋資守字

文紹奕建輿地紀勝繪禮殿聖賢于其上為樓以藏賜書名其樓為凌霄翬飛宏麗他所未有

**四**

**賢堂**

在州治輿地紀勝在即治繪王爨董鈞范宗凱李鼎祚像

**樂道園**

在仁壽縣治東

鳳門外二里內方輿勝覽有石笋一何桌讀書處

**息壤**

在仁壽縣西北方輿勝覽在籍縣南

一里有地畝餘踏之軟動

**石姥**

在仁壽縣跨鰲山頂方輿勝覽遇歲早里人轉徙之天即雨文

同有賦

**銀山鎮**

在州東四十里即故縣明置巡司今裁

**資陽鎮**

舊在資陽縣東三十

里與南津驛相連明正德十三年移縣東六十里置巡司今裁

**柁木鎮**

在內江縣東南三十

里亦曰樺木關接重慶府  
榮昌縣界明置巡司今裁  
羅泉井鹽課司 在州西一百十

里  
黃市井鹽課司 在內江縣西  
仙泉井鹽課司 在仁

壽縣西南半里已  
上鹽課司今皆裁  
珠江驛 在州東一里  
南津驛 在資陽縣東三

十里  
安仁驛 在內江縣南十里

堤堰  
武陵橋 在州南一里  
金帶橋 在州西北四十五里接資陽縣界  
鳳凰

橋 在資陽縣東二里  
資谿橋 在資陽縣西二里  
龍門橋 在井研縣南十五里

唐明渡 在州東十里相傳唐明皇幸蜀憇此故名

蒙谿堰 在州西州境又有鴛鴦等六十  
一堰分引珠江下流以溉田  
水谿溝

堰 在資陽縣東縣境

漢陽堰

在仁壽縣北唐書地理志籍縣東五里有

漢陽堰武德初引漢水溉田二百頃後廢文明元年縣令陳充德置後又廢縣志縣境又有方家壩

草狹溝駕鴛池太

平橋等十三堰

陵墓唐王褒墓

在資陽縣元和志在縣西北十五里

一大字  
已磨滅 董鈞墓

在資陽縣北二十里

牢固冢

在仁壽縣東南六十里寰宇記

高一丈五尺十道志云昔蒯參至孝墓母於此修墳牢固因名

宋范宗凱墓

在江縣

西華葇  
山後

明范雍墓

在仁壽縣北一里

何臬墓

在仁壽縣西五五里天池

山 趙遠墓

在州西五十里

虞允文墓

在仁壽縣西三十里玉山鄉塔山

趙

雄墓

在州西十五里官墳灘里

陳咸墓

在仁壽縣北五里

陳仁孫墓

在仁

壽縣北  
金華山

周冕墓

在州西十里

趙貞吉墓

在內江縣西三堆山下

祠廟  
萇宏祠

在州治北

健兒廟

在仁壽縣南寰宇記健兒拒公孫述死吳漢表為立

祠  
唱車廟

在仁壽縣東北寰宇記在貴平縣南九里唱車山上祀漢朱辰

翳嘶神

廟

在仁壽縣城南隅方輿勝覽在翳嘶山上相傳神即巴郡太守嚴顏

寺觀  
永慶寺

在州城中重龍山上

東材寺

在內江縣東宋紹興中建又有西林寺在

縣北一里宋  
咸淳中建

超覺寺

在仁壽縣東南飛泉山上唐建

顯忠觀

在仁壽縣

西宋僕射何奩墓  
在馬明嘉靖中建

名宦隋衛文昇

洛陽人仁壽初山獠作亂出為賓州刺史以鎮撫之既到官單騎造其營

謂羣獠曰我是刺史衛天子詔安集汝等勿驚懼也諸賊莫敢動於是說以利害渠帥感悅解兵而去前後歸附者十餘萬口高祖大悅賜練二千匹煬帝徵為衛尉御羣獠攀戀數百里揮涕而別

唐韋維

萬年人為內江令教民耕桑縣為刻頌

宋張旦

趙州人淳化時知陵州時

李順黨數萬來攻州兵不滿三百舊不設城塹旦修完戰具置鹿角砦驅市人進戰大破之詔書褒美

樂史

宜黃人太宗時知陵州有善政

葛宮

江陰人真宗時知賓州以惠政聞

師

頽

內黃人真宗時知賓州以簡靜為治蜀人便之

明鎬

安邱人仁宗時知陵州楚應幾以賊

敗或告以先期奏之鎬曰獲罪則已安可欺朝廷耶卒生夫察降為州同楊佐宣州人仁宗時

為陵州推官有鹽井深五十丈皆石也底用栢木  
為幹上出井口垂繩而下方能及水歲久幹敗欲  
易之而陰氣騰上入者輒死佐教工人以水盤貯  
水穴竅灑之如雨滴然謂之雨盤如是累月井幹

一新利  
**范祖禹**  
華陽人任資州龍水令寬  
周美  
回  
復如舊  
簡愛民尤以興學校為務  
樂

人慶歷中為陵州團練使城清水等十一砦每邊  
書至諸將各擇便利獨美未嘗辭難然所向輒克

諸將以  
**文同**  
梓潼人元豐中為陵州  
**孫道大**  
眉州  
此服之  
守嘗奏草墾井之弊  
人高

宗時知資州宣撫鄭  
**楊師錫**  
紹興中知資州時置  
剛中薦治行第一  
力耕田募民就耕以

廣官莊師錫言有司奉行失當田畝不分腴瘠市  
民丈尺隙地亦充稅產於是降詔害民者與追正

**姚仲孫**  
商水人為資州推官按富頓監疑獄全活  
數十人資州更二守皆昏老事多決於仲



孫姚希得

潼川人理宗時調盤石令會蜀有兵難軍需調度不擾而集

劉湛

江西人為仁壽教官明玉珍入蜀棄官隱瀘州

明李允簡

融縣人嘉靖中為內江知縣有

廉聲歲旱步禱令兒童歌曰旱既太甚治非其人寧禍其身勿病其民三日果大雨

劉三策

都陽人崇禎末知仁壽縣流賊寇蜀誓死守城每對士民曰事迫矣我惟有不動心三字力屈城陷死之贈尚寶司丞本朝乾隆四十一年賜諡烈愍

本朝習全史

同官人順治十八年知內江縣當兵燹之餘築城垣繕祠廟緝流捕殫心撫

字者七年士民懷之

人物漢王褒

資中人神爵五鳳之間天下殷富數有嘉應上欲興協律之事益州刺史王襄

開褒有俊材使褒作中和樂職宣布詩轉而上聞  
判史因奏褒有軼材宣帝乃徵褒詔為聖主得賢  
臣頌令褒與張子儁等並待詔又詔褒等待太子  
宮朝夕誦讀奇文及所自造作太子喜褒所為甘  
泉及洞簫頌令左右誦讀之後方士言益州有金  
馬碧雞之寶可祭祀致也使褒往祀焉褒道病死  
上聞董鈞資中人元始中舉明經為廩犧令建武  
惜之中舉孝廉博通古今數言政事永平中  
為博士時草創五郊祭祀及宗廟禮樂多鈞所參  
議當時稱為通儒累遷五官中郎將常教授門生  
百餘人

**三國蜀王嗣**資中人舉孝廉為汶山太守加  
安遠將軍綏集羌戎咸悉歸服

雖素桀惡者皆來首降境以寧靜大將軍姜維每  
出北征輒出馬牛羊氈毼及義穀以助軍糧邊嗣  
鎮軍仍領郡後從維北征為流矢所傷卒羌戎會  
葬贈送數千人號呼涕泣後見嗣子及孫皆如骨

肉或結兄弟  
恩至於此

**唐李鼎祚**

資州人官著作郎秘閣學士常集子夏孟喜至孔穎

達三十餘家為周易集解十七卷以經術稱于時州舊有鼎祚讀書臺

**趙光寓**

資陽人

親居喪以至行著

**宋孫光憲**

陵州貴平人少好學游荆渚為高從誨從事後歸太祖累

官檢校祕書監光憲勤學聚書或自抄寫校雙自號葆光子所著有荆臺集舉湖編玩筆傭集橋齋

集北夢瑣言蠶書

**黃德輿**

資州人祥符初葬父母負土成墳甘泉湧其測降詔旌表

**龍**

**昌期**

籍縣人祥符中注易詩書論語孝經陰符道德篇韓琦使蜀奏授國子四門助教慶曆中

文彥博奏授校書郎府學講說後以明鑄薦任太子洗馬致仕

**支漸**

資陽人年十七持母喪既

葬廬墓側負土成墳蓬首垢面三時號泣哀毀瘠甚白蛇狸兔擾其旁白雀白烏日集於櫛木五色

崔至萬餘回翔悲鳴若助哀者鄉人句文鼎自娶  
婦卽與父母離居觀漸至行深自悔責號慟而歸  
孝養盡志鄉閭觀 **陳祐** 仙井監人元符末拜右正  
感而化者甚衆 言上疏徽宗言紹聖人材  
比肩於朝攻擊元祐之人是朝廷之上公然立黨  
也遷右司諫言林希玩上不敬又論章惇蔡京蔡  
卞郝隨鄧洵武忤旨出判滁州 **韓駒** 仙井監人政和  
州復入元祐黨籍編管澧州 初以獻頌補假  
將任卽除祕書省正字遷劄作郎校正御前文籍  
言國家祠祭樂章詞多抵牾於是召三館士分撰  
親祠明堂國壇方澤等樂曲五十餘章多駒所作  
宣和中遷中書舍人兼直學士院持詞簡重為時  
所推尋補外紹 **何臬** 仙井監人與兄棠弟槩俱有  
興中卒於撫州 文名號為三鳳臬登政和進  
士累官御史中丞論王黼奸邪專橫十五罪出知  
秦州欽宗立復召進尚書右丞中書侍郎時朝議

割三鎮以緩金師稟力言其不可稟解政事以資政殿大學士領開封戶金兵復至城下拜稟尚書右僕射兼中書侍郎請以康王充天下兵馬大元帥從之後從欽宗幸金營遂留不遣仰天大慟不食而死高宗時贈大學士官其家七人

**郭贊**

內江人元符末應詔上書慷慨言天下事不報

復為汝陽縣丞建炎二年金人陷蔡州守臣乘間而逃獨贊朝服詔叱不肯降遂見殺

**李舜**

**臣**

井研人紹興末張浚視師江淮舜臣應詔上書言乘輿不出無以定大計宜從幸武昌又言江

東六朝皆嘗取勝北方但不肯乘機以爭天下宜為今日殷鑒因著江東勝鑒十篇上之累官宗正寺主簿舜臣遂於易著本傳三十三篇朱子晚歲每為學者稱之又著羣經義書小傳及文集三十卷

**趙遠** 賓州人紹興二十二年對策擢第一秦檜不悅即罷之舉王巖授遠僉書劍南東川

帝兩問檜趙遠安在乃除秘書郎既就職未嘗私  
謁檜檜欲以肅致又不答於是檜愈怒欲擠之未  
及而檜死帝乃遷遠著作佐郎引見上殿帝迎謂  
之曰卿知乎始終皆朕自擢秦檜日薦士未嘗一  
語及卿以此知卿不附權貴真天子門生也詔充  
普安郡王府教授遠奏言路不通乞賜開納帝嘉  
納之俄除中書舍人先是遠嘗薦杜辛老唐文若  
孫道夫皆蜀名士至是奉詔舉士又以馮方劉儀  
鳳李石郊次雲應詔後皆為名臣卒於官帝為之  
收淚數息遠嘗謂司馬公不近非色不取非財吾  
雖不肖庶幾慕之帝謂遠文章似蘓  
軾稱為小東坡有棲雲集三十卷  
虞允文  
仁壽  
人六  
歲誦九經七歲能屬文丁母憂哀毀骨立既葬朝  
夕哭墓側有枯桑兩烏來巢登紹興進士累遷禮  
部郎官上疏言金必敗盟願務思備禦未幾金兵  
至佐樞臣葉義問督江淮軍犒師采石適新帥李

顯忠未至敵騎充斥允文立招諸將勉以忠義敵  
疑援兵至始適允文策敵必復來夜半部分諸將  
因其來夾擊之捷聞召入對上慰藉嘉歎曰虞允  
文公忠出天性朕之裴度也充川陝宣諭使至蜀  
與大將吳璘議經畧中原孝宗時累拜右僕射同  
中書門下平章事封雍國公允文多薦知名士及  
為相籍人才為三等號材官錄胡銓以臺評去奏  
留之經遣又薦朱子云不在程頤下尋授特進左  
丞相御史蕭之敏初允文允文力請外除四川宣  
撫使淳熙元年追贈太傅賜諡忠肅允文磊落有  
大志以文學致身臺閣出入將相二十年忠勤  
無二子三人公亮公著杭之孫剛簡最知名

**趙**

**雄**資州人隆興元年省試第一虞允文薦於朝乾  
道初召見便殿孝宗大奇之手詔除正字進見

極論恢復孝宗大喜累除中書舍人時金將起河  
南之役議盡以諸陵梓宮來歸上命推出使止奉

遷陵寢及正受書儀雄見金主爭辨數四辭益力卒得請乃已淳熙初累拜右丞相紹興帥張津獻羨餘四十萬緡雄乞下紹興以其錢為民代輸和買身丁折帛錢之半以見聖主之德乞外出知江陵府光宗受禪召雄雄上萬言書陳修身齊家以正朝廷之道言甚剴切紹熙中卒贈少師諡文定

### 陳咸

仁壽人淳熙進士調內江縣尉吏受賄賦民不均咸為均其賦知資州值久旱請於帥臣

蔡粟以賑咸歷官於蜀所至有政績累遷利路轉運判使吳曦叛咸不受偽命自斃其髮曦平安丙等

奏咸總蜀賦召為司李性傳井研人舜臣子嘉定農少卿卒賜諡勤節中登進士進對言有

崇尚道學之名未遇其實帝曰實者何在對曰在陛下格物致知以為出治之本累官吏部尚書淳祐中拜參知政政事同知樞李道傳性傳弟讀河南家院事政仕卒贈少保卒程氏書至忘履



食慶元初登進士為蓬州教授吳曦反道傳痛憤  
遺書安撫使楊輔論其必敗曦黨以曦意脅道傳  
道傳以義折之竟棄官歸曦平累遷秘書郎著作  
佐即上書乞下明詔崇尚正學取朱子論語孟子  
集註中庸章句或問四書頌之太學仍請以周惇  
頤邵雍程頤程頤張載五人從祀孔子廟廷時宰  
相有不樂道學者以語侵道傳道傳不為動歷兵  
部侍郎出知果州卒謚文節道傳篤於踐履氣節  
卓然嘗以疾謁告真德秀造馬卧榻屏間大書節  
起截斷四字其用功慎獨如此三子達可當可獻  
可  
**李心傳**  
道傳弟慶元初下第絕意不復應舉閉  
戶著書晚因崔與之許奕魏了翁等薦  
為史館校勘修中興四朝帝紀踵修十三帝會要  
後遷工部侍郎言致旱之由願修六事以回天意  
理宗從之後以言事奉祠卒心傳有史才通故實  
所著有高宗繫年錄學易編誦諸訓春秋考禮辨

讀史考朝野雜記道命錄西陞  
泰定錄辨南遷錄詩文一百卷  
年子才 井研人少從其父客

陳咸咸樂大宴子才閉戶讀書若不聞見者人咸  
異之學於魏了翁楊子謨虞剛簡及朱子門人李  
方子嘉定中對策詎丞相史彌遠為史館校閱言  
大臣不公不和六事次陳備邊三策理宗論宰相  
曰人才如此可峻擢之為史嵩之所抑通判吉州  
遷太常博士又請為濟王立後以回天意子才隨  
事奏陳舉朝誦其奏疏皆曰有德之言也俄魚直  
舍人院貶與起居郎蕭泰來同列力辭上為出泰  
來李伯玉以劾泰來降官舍人不敢行辭子才即  
為美詞書行帝使更之子才曰脫可斷詞不可改  
賈似道海州之棍子才草獎諭詔第述軍容之盛  
不言其功似道不樂度宗時以資政殿學士致仕  
子才事親孝所薦士後為忠義任吉州文天祥以  
童子見即期以遠大家無餘資責金帶乃克莖所

制有存齋集子嗽  
官大理寺少卿

**鄧若水**

井研人博通經史為文章有氣骨吳曦叛若水

仗劍徒步如武興欲手刃之  
中道聞曦死乃止登嘉定十三年進士時史彌遠柄國久若水對策極論其奸請罷之考官置之下等策語播行士爭誦之理宗即位應詔上封事復劾彌遠陰害齊王挾恩陵上乞并其黨數人悉除之制置使不敢以聞却還之嘉熙間召為太學博士當對草奏數千言將上之丞相喬行簡知之亟奏補外若水遂不復仕隱太湖之洞庭山後歸蜀遭亂死於兵

**黃**

**申**

井研人開慶進士授德安尉攝主簿兼提點江西刑獄司簽廳獄事多所辨明丞相江萬里提

刑黃震交薦之除安樂丞申為政廉謹有治聲以恩升從事即蒙古兵拔撫州下諸縣索降狀樂安令率其僚聯署以上申初聞變悉遣其家人遠避獨抗不徃狎狂隱巴山中

**黃澤**

井研人

有異質慨然以明經學道為好為文構思屢以成  
疾疾止復思久之如有所見作顏淵仰高鑽堅論  
嘗夢見孔子以為適然最後乃夢見孔子手授所  
較六經字畫如新由是深有感發始悟所解經多  
狗舊說為非是乃作思古吟十章大德中授江州  
景星書院山長秩滿即歸開門授徒以養親歲祔  
家人採木甯草根以度朝夕澤宴然年六十卒  
所著有易春秋解三禮祭祀述畧

**唐李蕃**

內江人永樂舉人博涉羣書授漢中訓導不就洪  
熙改元上端本十六策宣宗即位擢兵科給事中  
巡視沿邊城堡還言關堡空虛請城獨石等處清  
軍河南獻安養軍民十餘事所著有奏議詩文十  
餘

**鄧本端** 資州人天順進士拜監察御史剛直有  
卷 文武材成化間劉千金等據荆襄叛本  
端討平之又平陝西賊土

**劉瑞** 內江人宏治進士  
遠等陞陝西按察副使

清寧宮災疏陳時事甚切闕里廟成請更定先師封謚武宗立疏陳瑞本九事請召章懋王鏊林俊雍泰等由是諸臣多獲進用既劉瑾肆虐即謝病瑾榜瑞為奸黨除其名瑾誅以副使督學浙江正身率物士風大振嘉靖時歷南京禮部右侍郎因災異偕同官條上六事大禮議起復偕九卿合疏力爭卒贈尚書

**李克嗣**

蕃之孫成化進士任岳州通判正德時歷江西僉事

討華林賊有功為雲南按察使舉治行卓異巡撫河南應天皆有聲進秩工部尚書修蘓松水利閏六月訖工尋改南京兵部尚書充嗣好學有器局居官以嚴辨稱祿入輒散之親故而身布袍蔬食不厭卒贈太子

**高公韶**

內江人宏治進士授撫州推官正德中為御史按河

東勅總兵官郭勛罪托音華方入寇又勅總兵官陳德罪總生免官又勅尚書王瓊險愆誤國遂為

瓊所構謫富民典史世宗立召復官歷官戶部右侍郎托音華舊作朵顏花令改正 鄧繼

曾資縣人正德進士世宗即位以久雨進諫言擢兵科給事中劾宦官擅權忤旨下獄謫金壇縣

丞歷遷至嶽州知府卒 余才內江人正德進士官至光祿寺

杖陸慶初贈太常少卿 周冕資縣人嘉靖進士擢御史重建

爭之帝大怒下獄終以其言直釋還職疏請東宮講學以端國本謫雲南通海典史尋陞兵部郎中

劾嚴嵩父子冒濫軍功力救楊繼盛冤直聲震朝廷復下獄拷訊斥為民隆慶初起太僕少卿遭母

憂未任卒 趙貞吉內江人嘉靖進士授編修時方士進用貞吉請求真儒以贊大業為司業

以知本率性之學教士諳達薄都城貞吉廷議合上旨擢左諭德監察御史奉旨宣諭諸軍會嚴嵩

以事中之廷杖謫官後累遷至戶部侍郎復忤嵩  
奪職隆慶初起官歷禮部尚書文淵閣大學士尋  
與高拱不協乞休歸卒贈少保諡  
文肅 諳達舊作俺答今改正 曾海 井研人萬  
曆間旌表

孝子 蔡如蕙 資縣人以工部主事里居崇禎末舉義  
兵討賊不克死 本朝乾隆四十一年

賜諡節 范文光 內江人廵撫川南右僉都御史總督李  
乾德殺楊展因入山不視事 大兵克

嘉定文光賦詩一章仰藥死 本朝 張亮 內江人廵  
朝乾隆四十一年 賜諡忠節 撫安廬池

大四府右僉都御史左兵破安慶被執挾與北行  
乘間赴河死 本朝乾隆四十一年

賜諡節 忠

本朝胡世安 井研人少負才畧事親以孝著前明進  
士選庶士順治初授翰林學學又士遷

禮部侍郎晉尚書官至大學士卒  
國初典章文物以及歷律多所參定  
王師保資陽人前

明鄉薦知五河縣有惠政尋擢戶曹順治初以原  
官督理鳳倉區畫轉輸之法著有成績後辭組寓

五河卒  
民祠之  
胡天湛井研人順治三年知福建大田縣  
時盜賊猖獗所在焚掠天湛徵調

鄉兵晝夜防禦援絕力  
窮城陷被執不屈而死  
黃開運內江人順治戊戌  
進士流寇至內江

恣行殺戮開運團結鄉勇襲之斬獲無算賊懼  
走邑賴以全累官直隸定州知州轉刑部郎中

流寓宋趙長君會稽山陰人少為縣吏奉檄迎督郵  
恥於廝役遂棄車馬去到魏為資中

詣杜撫授韓詩究竟其術積二  
十年絕問不還家為發喪制服

列女明沈思妻桂氏資陽人適沈未踰歲思亡無子  
獨依始以居誓死不冉適朝夕



親織繼孫瑞妻陳轉柱資陽人受瑞聘未配而瑞以奉姑卒陳即縞衣泣欲赴夫喪

父阻之遂持刀自刎救免馬炳然妻吳氏內江人誓不再嫁後割股痊母病炳然官

都御史赴任南都舟行被賊害吳泣曰公死矣我不可辱遂抱幼女赴水死事聞旌表冷向

### 春女汝玉

內江人隨父任南昌奏績北上至叢林開夜遇寇汝玉急躍出曰父可自為之

無以我為也楊浩二女內江楊浩女也長大姑次即赴水死二姑奢寅掠縣全家破執

母觸堦死二女義不受辱奪賊刀自及不殊奔赴水死賊退二女屍浮手猶相執事聞旌表黃

### 應奎妻李保哥

資陽人李一元女受應奎聘未配應奎死有陳孔仁者逐妻求娶父

許之李泣不從潛入房以黃之方之斗妻陳氏仁壽聘衣自縊時年十九事聞旌表

人適方三年之斗死父欲奪而  
嫁之不從投井死事聞旌表  
辜鳳翼孫女仁壽人將

笄未嫁聞寇入境常懷利  
刃寸許及賊至自刎死  
劉應禧妻羅氏仁壽人夫婦避

亂嘉陽應禧覆舟溺死氏曰雖亂夫  
喪何以自存翌日赴三江門投水死  
陳璟妻朱氏

蜀藩石泉王宣垠之女適資陽陳璟獻賊破成都  
賊黨訪得朱朱自知不免具衣冠請於姑舅曰為

婦十年未嘗敢背姑訓今賊索我無死  
所矣遂剪髮刺血訣其夫入室自縊死  
羅拱明妻

何氏內江何紹克女幼讀書晚文義適羅日晨起  
省姑治家嚴肅衣皆用布甲申獻賊至內江

拱明偵賊信為所獲何即投  
江死衣有藍織死家數百

本朝雷正海妻歐陽氏資州人夫亡守節又同邑王  
之徑妻饒氏俱乾隆年間

旌表

彭商賢妻陳氏

資陽人過生員彭商賢年二十歲夫亡守節乾隆三十三年

旌表又同縣生員雷普化妻楊氏劇輔炎妻韓表魯亦文真王氏張珏妻伍氏俱乾隆年間先後

表旌

仙釋唐傳仙宗

本長安人父倫為資陽令仙宗性沈默好道有神人告以修真地遂乘青

騾赴平崗山開元間詔赴闕經利州桔柏江除水害利人祠祀之已而抵都上問卿何道致此對曰守以恬淡行以簡易又問金丹曰惠及民物即長生也上大悅久之還山詔修葺舊觀賜額真應觀

土產金

唐書地理志金陵鐵元和志始建縣鐵山出鐵州資州貢鈹金諸葛嘗取為兵器其鐵剛

刊堪充貢九域志唐書地理志資州盤石資陽內志資縣有鐵冶鹽江有鹽陵州仁壽貴平籍井研

有鹽元和志內江鹽井二十六所餘山鹽井一十  
一所仁壽陵井縱廣三丈餘深八十餘丈益部鹽  
井甚多此為最大貴平有平  
井井研有思陵井并踐井  
絹唐書地理志陵州  
貢麻布藥唐書地理  
志陵州貢  
高良薑

衆字記  
資州產

續齋

柑

唐書地理志資州土貢  
元和志資州貢柑子

麩

寰宇記  
資州產

高良薑



欽定大清一統志卷三百十二